

(بروفایل)

كفاية تكتب عن نفسك

وتقول انك ناجح

أو تبين انك عادي

مش فارق معاك حاجه

تضحك و تهزر و كالعاده

تبين ابتسامه

تحط صورتك علي بروفيلك

يقولوا عليك ده حاله

مبسوط في حياته ولا داري

و احنا الدنيا اللى وجعانا

و بتلعب بينا بمنتهي السذاجة

محدث راضي بحاله

و لا بالمكتوب له

شايف ضحكة غيره و لكن

بيزيد احساسه بالحق

العين متحبش اللي احسن منها

شايفين في الصور ضحك و ابتسامه

فاكرينه مش شايل هم

شايل جوا منه وبيهاود

كان مبين في الصور ان الحياة ورديه

لكن الحياة قاسية ورماديه

احنا اللي في وقت الهم أو الوجد

بنقول عادي و نرسم ضحكه و مش هممنا

لكن ورا قلوبنا خافين دموعنا

فنصيحة بقي للغير

ارض بالنصيب واحمد ربك

لأنه بيكرم العبد ومش هيذل
